

(2024)

4.

CLAVDII AL-
BERII TRIVNCV-
RIANI.

(dubius
vel
aubrey;
adulterij
1, 12-10)


DE

TERRÆMOTV,
ORATIO
ANALYTICA:

IN QVA,

HYBORNÆ, PAGI, in ditione Il-
lustriss. Reip. BERNENSIS, supra la-
cum Lemannum, per Terræmotum oppressi,
Historia paucis attingitur.

16.



Exaudiens

Excudebat Ioannes le Preux.

Anno 1585.

89

compl

CEVADII ALI

新編古今圖書集成

DE TERRAMOTTA 5

A decorative horizontal border featuring intricate floral and foliate motifs, including stylized leaves, acanthus, and possibly floral or fruit-like elements, all rendered in a dark, fine-lined style.

CLAVDII ALBERII
TRIVNGVRIANI,

*DE TERRAE MOTU, ORATIO
Analytica.*

VM effet allatū ad nos
de pago HYB ORNA in
ditione Illustriss. Reip.
BERNENSIS supra la-
cum Lemānum per Ter-
ræmotum oppresso: & de Terræmo-
tu illis in locis sæpius ad hos vsque
dies iterato: item de iniquo iudicio,
quod quidā maleuoli homines con-
tra Christianā charitatem facere non
dubitarunt: sanè pro eo ac debuimus,
grauiter commoti sumus, **A V D I T O-**
R E S: Cùmque hodierno die nobis
ex hoc loco dicendū effet more in-
stitutōque huius Academizæ, à mate-
ria dicendi proposita, & constituta
parumper deflectere, & digredi plu-
ribus, iisque graibus de cauſis ne-

A. ij

4 DE TERRÆMOTV

cesser habuimus. Neque enim sustine-
re nos potuimus, quin respondere-
mus tribus generibus hominum non
vnum, sed diuersa eaque falsa senti-
entium. Vnum genus est hominum
amentissimorum, qui licet causas na-
turales coniunctas non negligant, o-
mnia tamen sine numine euenire af-
firmant, quasi Deus ista inferiora sua
cura, suaque prouidentia minimè di-
gnetur. Secundum genus est illorum
qui causas falsas configunt, quas
Theologia, siue prima philosophia
tueri non possit. Tertium genus est
hominum minimè quidem prauorū,
minimèque impiorum, sed in scien-
tiis non satis exercitatorum. nempe
eorum qui repudiatis omnibus cau-
sis naturalibus, Vnius Dei, vniuersque
Numinis duntaxat mentionem fa-
ciēdam esse credūt: quasi prima philo-
sophia, siue Theologia reliquas scien-
tias funditus euertat, ac non potius
constituat, & stabilit. His igitur de
causis à materia dicendi constituta
deflectere necesse habuimus, vt de
Terre-

VIGORATIO. BG 5

Terrēmotu non solūm physiscē, verū-
etiam Theologicē dicere mus. Neq;
hac oratione physica, & Theologica
DE TERRÆMOTV, quicquam
gratius, vtilius, aut commodiūs hoc
tempore afferri posse duximus. Nam
cūm Terrēmotus insoliti superiori-
bus diebus facti, & saepius iterati in
sermonibus quotidiatis mentio initi-
ciatur: cūmque multi multa commi-
niscantur, & temerē afferant: non du-
bito quin vobis pergratū, pérque iu-
cūdum futurum sit, si ea quæ de Ter-
rēmotuum causis sentienda sunt, tū
ex scientia naturali, tum etiam ex
Theologia de promta, in medium af-
feram, & ea vobis breuiter, diluci-
dique exponam.

QVANDO QVIDEM igitur
DE TERRÆMOTV tum Phy-
sicē, tum etiam Theologicē dicere
constituimus, ante omnia statuendū
est, Physicēne priūs, an Theologicē
de Terrēmotu dicēdum sit. Cūm e-
nim res naturales sint nobis notio-
res, quām Diuinæ: Causæ quoque na-

6 DE TERRAEMOTU

turales videntur esse notiores quam diuinæ & Metaphysicæ. Sed cū Deus opt. max. sit prima causa efficiens, idemque sit finis extremus omnium rerum: & vt verbis Ioannis utr. A & Ω: nemini mirum videatur, si à diuinis rationibus exordiamur, & rursus diuinis rationibus orationem hanc concludamus. A Deo principiū, Dei sunt omnia plena. Deus prima: Deus summa nobis dicendus est camēna. Nisi enim sit Deus, reliqua esse nequeunt. Idem etiam est Finis extremus omnium. Nam omnia Deo sufficiuntur. Postquam enim Christo subiecta fuerint omnia, tunc & ipse filius subiicitur ei qui subiecit ipsi omnia, vt Deus sit omnia in omnibus.

I. Corint. cap. 15. v. 28.

Quo fit vt Theologus reddat ratiōnēm Notionum anticipatarum, causarum, & principiorū omnium quæcunque illa sint. Quemadmodum enim nisi sit Deus, reliqua esse nequeunt: ita etiam, nisi sit Theologia, reliquæ scientiæ constare nequeunt. Cū igitur non solum Physicè, ve-

VI ORATIO. 14 7

rumetiam Metaphysicè de Terrae motu dicēdum sit, à primo actu, hoc est, ab ipso Deo incipiēdum est. Deū esse primam & summam causam efficiētum intelligimus ex eo quod ENEPΓΕΙΑ potestatem antecedat omnibus modis: RATIONE, NATURAE, TEMPORE. Sic enim Aristoteles lib. Θ. primæ philosophiæ: τὸ χρόνος ἀεὶ ὡραῖον θάρει εὐέργεια ἐπέρα τῷ ἑταῖρῳ τὸν κινήστρον ἀεὶ τρόπων. id est: Energia una semper anteuertit alteram, usque ad Energiam siue Actum illius qui primo mouet. Quintam, licet Deum primo orbi mobilis non addicamus: nihilominus tamē omnes Energias siue omnes Actus, omnēmque potestatem necessariò Deus anteuertet. Nam Dei propria & intima εὐέργεια est illa, qua seipsum intelligit. Αὐτὸν ἀεὶ νοεῖ, νοεῖ εἴτινι νόνοις νούσοις νόνοις, id est: Ipse se intelligit, estque intellectio intellectus intellectio: inquit Aristoteles. Hæc autem ENEPΓΕΙΑ æterna est, neque habet ullum initium:

8 DE TERRÆMOTV

quia nihil aliud est quam ipse Deus, Pater, Filius, qui est Sapientia patris, & Spiritus sanctus. Sic Ioannes ait Sermonem fuisse apud Deum in principio, & ante res omnes creatas: ac proinde Sermonem esse Deum. Cū enim in Deo nulla sint accidentia, nulla materia, nulla conditio contradictionis, quæ δύναμις ἀντιφάσεως Aristotelī, & in historia Iobi *Tahola* dicitur: fieri nequit, quin illud quod ante res omnes creatas erat apud Deum, sit Deus. Huiusmodi est interior Energia Dei, quæ nihil aliud est quam Deus, ut dictum est. Itaque si quis querat ex nobis, quidnam ageret Deus ante conditum mundum: respondemus Deum intellexisse seipsum, ut etiam intelligit, & intelliget semper: οὐ εἰ, καὶ γένεται νόος νόοεως νόος id est: Fuit, Est, Erit intellectio intellectus intellec[t]tionis intellectio. His tribus temporibus designantur Energiae perfectissimæ & absolutissimæ, ut in prima philosophia demonstratum est. Altera est *Eρέψια extima*, per quam

Deus

V T O R A T I O.

9

Deus creauit omnia: per quam regit & nouit etiam res singulas: per quam nihil est tam magnum, quod Deus efficere non possit: per quam vocat EA QVAE NON SVNT, VT EA QVAE SVNT ABOLEAT. Hec Energia non esset, nisi illa Intima esset. Differt autem ab Energiis Angelorum, & ceterarum rerum coditarum ea ratione, qua Deus differt ab omnibus naturis conditis. Sic magi Pharaonis non potuerunt illa omnia efficere, quæ Deus per Mosem & Aaronem effecit, nempe quia Dei Energiae etiam extima à vi immensa & infinita proficiuntur. Hanc Energiam extimam ab illa intimam sic distinguit Aristoteles, ut intimam illam Energiam, qua Deus seipsum intelligit & seipso contentus est, Εργον, hoc est primarium & proprium Dei munus esse dicat: hanc autem extimam esse quasi secundarium Dei munus, quo Deus fungitur intelligendo ὡς ἐν παρέπειᾳ. Sic apud Iobum, Energia Dei, qua condidit res omnes; & qua nouit Abrahamum,

1.ad Cor.
ca. i.v.28.

IO. DE TERRÆMOTV

Isaacum, Iobum, qua regit & gubernat res cunctas & singulas, dicitur
 Iob. cap. 26.
 extremitas viarum Dei. Qui Aquilonem, inquit Iobus, extendit super innane, & terram suspendit super nihilum. Qui cohibet aquas in suis nubibus, neq; nubes rumpitur ab eis. Qui construxit faciem solii, super quod expandit nubem suam. Terminum constituit aquis, dum consummen- tur lux cum tenebris. Columnæ cæli concutiuntur & stupefunt ab illius increpatione. Sua potentia scindit mare, & intelligentia sua compescit eius ferociam: siue spiritu ador- nauit celos. Atque ista duntaxat sunt **EXTREMA VIARVM EIVS.** & quantulam portionem audiuimus de isto negotio? Quis autem tonitru potentiæ illius cognosceret? Ergo, quædoquidem Deo nihil maius, nihil præstantius, nihil melius, Energia illa intima, qua Deus ipse se intelligit, erit primaria, adeoque nihil aliud erit quam ipse Deus: Extima autem hæc Energia, qua Deus creat, & regit res cunctas

VTO ORATIO. DE

ii

cunctas & singulas, erit secundaria, & eiusmodi propter quam Deus *ως ἐν παρεπώ* intelligere dicatur, si intellectio hæc cum altera illa primaria in intellectione comparetur. Nos verò, quia **S E N S V S** noster, **S C I E N T I A** nostra: **O P I N I O**, & **C O G I T A T I O** nostra sunt semper alterius cuiusdam diuersi à nobis qui sentimus, scimus, opinamur, & cogitamus, (nisi quum Animus ipse de se cogitat, quo quidem munere fungitur interdū *ἐν παρεπώ*.) existimamus quoque intellectione Dei primariam semper esse alterius diuersi à Deo: quæ sententia falsissima est. Sic enim Sapientia Dei, & Spiritus Dei non fuissent apud Deum ante res omnes creatas, quod est absurdissimum. Hæc quum ita sint, per spicium est Deū esse Causam **P R I N C I P E M E F F I C I E N T E M** omnium rerum: ac propterea Deum non solū adhibitis causis naturalibus, Verum etiam absque causis naturalibus proximis & coniunctis posse efficere quicquid voluerit. Quo pacto quæso

12 DE TERRÆ MOTV

mundū & naturam ipsam Deus cō
diderit, si nihil absque causis natura-
libus efficere possit? Neque enim ante
Naturam causæ naturales exte-
runt. Vtitur quoque Deus causis na-
turalibus quoties libet. Nam & cau-
fas Naturales condidit. Verbi gratiā:
Vtitur ventis in cauernis terræ recō-
ditis ad terram conquassandam, vt
infra dicemus. Et s̄pē adhibet ven-
tos ad illa efficienda, quorum venti
non sunt causæ Naturales & solitæ.
Extendit Moses manum suam super
mare per Orientalem ventum vehe-
mētem tota illa nocte, & fecit vt ma-
re esset siccum, & discissæ sunt aquæ.
Sic Dominus v̄sus est ventis ad im-
mittendas coturnices. Et profectus
est ventus à Domino, qui abripiens
coturnices à mari, dissecit eas ad ca-
stra circumquaque spatio itineris
diurni, fere duobus cubitis in altitu-
dine terre. Sic Dominus v̄sus est qua-
si vento & flatu violento ad id effi-
ciendum, quod facere constituerat
die Pentecostes. Tum extitit repen-
tē, in-

Exod.ca.
14.

Num. ca
pte II.

Act. cap.
2.ver.2.

ORATIO.

13

tē, inquit Lucas, ē cēlo sonitus tanq;
ruētis flatus violēti, qui repleuit totā
domū, vbi erant sedētes, & visæ sunt
eis dispertitæ linguæ instar ignis, qui
etiam sedit super vnumquemq; eo-
rum. Quinetiam Deus opt. max. vti-
tur rebus conditis etiam naturā in-
epiti ad efficiendum quicquid volue-
rit. Sic asina Bileam loquuta est, vt
testatur Moses. Angel⁹ Domini per-
rexit, inquit, & in loco angusto ste-
tit, vt nulla esset via declinandi neq;
ad dexteram, neq; ad sinistram. Cer-
nens igitur asina Angelum Domini,
succubuit sub Bileam, & iratus Bileā
virga percussit asinam. Et aperuit Do-
minus os asinæ, & dixit ad Bileam.
Quid feci tibi quod me iam ter ver-
berasti? & ait Bileā ad asinam. Quod
mihi illudis. Si gladium haberem, iā
te interficerem. & ait asina ad Bileā.
An non ego sum asina tua, qua vehe-
ris à præcedenti tempore ad hodier-
num vſque diem? Num tale quippiā
facere tibi solita sum? Denique nihil
est tam admirabile, nihil tam insolitum.

Num. ca
pte 22,

14 DE TERRAEMOTU

tum, quod Deus efficere non possit. Idcirco etiam Homerus, Hesiodus & cæteri poëtae Ethnici Φευδοθέόλογοι nihil non tribuunt Numinis. Sed plerique omnia sunt falsa, & pugnantia, quantumuis licet facta illa cohærente videantur. Errant enim tum in SUBIECTO, (quod quidem subiectum in Theologia est Deus & Homo, ut aliis in locis demonstratum est) tum etiam in ATTRIBUTIS, itemque in Attributorum historia & cohærentia. Verbi gratia: Fingunt Iouem impurum & impium nescio quem esse Deum summum, cui vim summam & immensam tribuunt. Ponunt Martem, Mercuriu, Iunonem, Venerem, Neptunum, & alia eiusmodi Subiecta σωτηρίᾳ, quibus Attributa illa, quæ Deo propriè conueniunt, nullo modo, nullaque ratione conuenire possunt. Quod attinet ad cohærentiam & historiæ veritatem, licet in specie cohærentia inesse videatur: non potest fieri tamē quin sint falsa illa quæ Pseudotheologi illi describūt, & tradunt:

ORATIO.

dunt: quandoquidem Subiecta, ut dixi, sunt falsa & σωτηρίᾳ, quibus Attributa minimè conueniunt. Itaque scripta illa sunt agri somnia, in quibus vanæ finguntur species, ut nec pes, nec caput uni reddatur formæ. At in Theologia vera, hoc est, in utroque Testamento, VERITAS ET PERPETUA COHAERENTIA constans dijudicantur ab omni falsitate adhibito instrumento ἐξ ἀριμησθέντων: ut in Oratione Apodictica DE FIDE CHRISTIANA diximus. Et quoniam Deus etiam sine causis naturalibus potest efficere quidlibet: (iussit, inquit Propheta, & factum est. Dixit Deus: Sit Lux. & fuit Lux.) quoniam etiam idem causis naturalibus vti potest ad res solito, & insolito more: hoc est, ordinariè & extra ordinem efficiendas: perspicuum est Theologum posse etiam reddere rationem causarum & principiorum Naturalium. Sic apud Iobum Cap. 38: Deus pronuntiat se esse principium & causam summam efficientē prin-

cipiorum & causarum Naturalium
his verbis: Habéntne parétem pluuias?
aut quis genuit guttas roris? è cuius
ventre egressa est glacies? & quis ge-
nuit pluuiam cæli? Aquæ in speciem
lapidis vertuntur, & superficies abyssi
si constringitur gelu. Num vinculis
colligabis Pleiades? aut cohærentes
stellæ Cynosuræ disiunges? Tûne
Hyades suo tēpore produces, & re-
ges Arcturum cum suis filiis? scilicet
NE LEGES CAELI? aut dominium
eius terra imponis? Clamabisne ad
nubem alta voce, ita ut aquarum in-
undatio te operiat? Tûne fulgura em-
mittes, vt eant, ac tibi dicant: Ecce
adsum⁹? QVIS INDIDIT RENIBVS
SAPIENTIAM? AVT QVIS INDIDIT
CORDI INTELLIGENTIAM?
QVIS SAPIENTIA SVA AETHE-
RI DICTABIT QVAE FACIAT?
Sunt & alia permulta eodē in lib. ex
quibus perspicuū fit subiecta & facul-
tates omnes naturales: omnia deniq;
principia esse à Deo opt. max. Sic etiam
principia meteōpav, & sublimiū
illo-

illorum, quæ vocātur, vt ventorum,
pluuiarum, & aliorum eiusmodi esse
ctorum Naturalium, à Deo existunt.
Quanuis enim orbis quidam, & cir-
culus generationis in quibusdam cer-
natur, propter quem videntur pro-
pemodum non habere principium:
(Verbi causâ: Madefacta, & perfusa
terra vaporess à Sole excitantur. Va-
poribus excitatis nubes fiunt. Nubi-
bus factis pluit. Vbi pluit, madefit
terra, & perfunditur. Rursus identi-
dem madefacta & perfusa terra, va-
poress à Sole excitantur. Vaporibus
excitatis nubes fiunt, &c.) tamē Deus
est principium summū EFFICIENS
GYBERNANS, & MANDANS ista o-
mnia. Mandauit cælo de Vaporibus
excitandis, vt legimus capite secun-
do libri Mosis DE ORTV vniuersita-
tis. Sic apud Iobū, Deus aperte pro-
nunciat SE SCIRE LEGES CAELI,
& SE DOMINIVM CAELI TER-
RAE IMPOSVIS SE. Ergo principia
illa omnia, quorum Anticipatas no-
tiones in singulis scientiis habere o-

18 DE TERRAEMOTV

portet, existūt à Deo opt. max. qui est principiū principiorū. Principia quidem Naturalia esse Physicus ponit: quia Anticipatas Notiones scientiæ naturalis non probat rationibus & causis superioribus. At Theologus omnia probat, facta mentione Dei. Verbi gratia: Axiomata Physica, Causas & facultates naturales confirmat, & omnium rationem reddit facta mentione Dei. Proinde non sunt audiendi, qui causarum naturalium nullam volunt fieri mentionem, quique Atheos vocant omnes illos, quicunque rationes petunt ex causis Naturalibus. Si queras ex Medico rationes *aiugatōsewç*, id est, procreationis sanguinis: respondebit ille, Succum eum quo alimur, ex intestinis & Ventriculo secretum à reliquo cibo peruenire usq; ad portas iecoris per tenues mesenterii venas: eūdem succū rursus in iecore retineri propter venarum in iecore dispersarum exilitatem: ob hanc moram in iecore perfetè concoqui, & perfectam expres-

sam-

ORATIO.

19

samque sanguinis speciem assequi. Ergo Medicus ponet IECVR ESSE: item ESSE TENVES MESENTERII VENAS: Item IECVR esse præditum facultatibus RETINENDI, CONCOQVENDI, & MVTANDI IN SANGVinem. Atque istæ erūt Anticipatæ notiones, quarum rationem non reddet Medicus. At Theologus reddet rationem EX PRIMA CAVSA EFFICIENTE, népe ex DEO: & ex FINE, quem sibi Deus proposuit. Sic nonnulli etiam Ethnici Philosophi MENTEM illam primam, nempe Deum dixerunt esse PRIMAM CAVSAM EFFICIENTEM omniū rerum. Sic Galenus libro septimo De usu partium. cap. xv. quum explicat admirabilem neruorum Laryngis metam, vnde cursus reflectitur, compellente veritate CAVSAM PRIMAM EFFICIENTEM, Deum vide licet agnoscit & laudat his verbis. Evidem (inquit Galenus) ne laudate quidē satis pro merito possum eius sapientiam ac potentiam, qui ani-

B ij

malia fabricatus est. Nam eiusmodi opera, non laudibus modò verum etiam hymnis sunt maiora, quæ prius quam inspexissemus quidem fieri nō posse persuasum habebamus: conspi cati verò, falsos nos opinione fuisse comperimus, potissimum quando si ne magno negotio, atque apparatu conditor nostri vno vsus instrumento, eoque per exiguo inculpatū prorsus ac perfectum opus effecerit. Sed idem Galenus vanus factus est in suis ratiocinationibus, neque sibi constat in agnitione potentiax Dei immensæ. Nam libro vndecimo De usu parvum. Cap. xiiij. Deum nihil agere sine causis naturalibus, proximis & coniunctis affirmat his verbis. Oculorum, inquit, pilis ac supercilio rum siquid addideris, aut abstuleris, illorum utilitatem corrumpas. Num igitur nostri opifex solis his pilis æqualem semper seruare magnitudinem præscripsit, hi autem siue imperium præscribentis metuentes, siue Deum ipsum præcipientem reueriti,

siue

siue faciendum id esse persuasi, obser uant id vt mandatum sibi fuerat? Cer tè Moses quidem ita de natura ratio cinabatur, cuius ratio, quàm Epicuri, mihi videtur probabilior. Optimum tamen est, neutrius rationem sequi: sed potius generationis principium, quod à creatore ducitur, quomodo Moses, in omnibus generalibus seruantes quod ad materiam attinet, ei adiicere. Ob eam enim causam CON DITOR nostri æqualem semper magnitudinem seruandi necessitatem ipsis imposuit: quod id ad rem pertinere magis videbatur. Postea verò quàm eiusmodi efficere pilos constituit, his quidem durum corpus, instar cartilaginis quibusdam subiecit, aliis autem cutem duram cartilagini per supercilia connexam. Non enim sat erat eos duntaxat velle tales esse. Neque enim si lapidem repente velit facere hominem, id efficere poterit. Atque id est, inquit Galenus, in quo ratio nostra, ac Platonis, tum aliorum qui apud Græcos de rerum

B iii.

natura rectè conscripserunt, à Mose dissidet. Satis enim habet is, si Deus materiam exornare velit, ea autem repente paret, atque exornata est.

OMNIA ENIM DEVUM FACERE POSSERE arbitratur, etiamsi ex cineribus hominem aut equum facere velit. Nos autem non ita sentimus: sed confirmamus quædam naturam facere non posse, eaque Deum ne agredi quidem omnino, sed ex iis quæ facere potest, quod melius est, eligerre. Hæc Galenus impiè, in crudité, & *ἀθεολόγως* de Deo opt. max. scriptis mandauit. Itáne verò, Galene, obtemperatum est desipiens cor tuum, ut **POTENTIAM DEI** mancam, & multilam nobis proponas? Sic enim statuis Deum non posse quicquam agere, sine causis naturalibus proximis & coniunctis. **M O S E S**, inquis, **O M N I A D E V U M** facere posse arbitratur, etiamsi ex cineribus hominem aut equum facere velit. Rectè, Galene, & Theologicè Moses de Deo sentit & scribit, quum passim testatur deum,

Deum, quicquid voluerit, facere posse, etiamsi ex lapidibus hominem facere velit. Demonstratum est supra Nullam esse causam Naturalen, calestem, aut aliam quamcunque Energiam, quæ non sit tempore & ortu posterior **E N E R G I A** illa prima immensa & infinita, quæ est Deus in saecula benedictus. Iam quæro exte, Galene, Cum cæteræ causæ in terum natura habeant ortum, hoc est, Cùm sint tempore & ortu posteriores **E N E R G I A** illa prima quæ est **D E U S B E N E D I C T U S**, à quónam existent reliqua omnia tam aspeçtabilia, quæ inuisibilia? Si à seipsis existere dicas, errorem tuum facile conuincemus. Deus enim non erit **P R I N C I P I V M** summum, & **C A V S A P R I M A E F F I C I E N S**. Sin temerè extitisse dicas: tibi ipse non constabis. Nam in libris De vsu partium, conditorem & officē summū agnoscis, cuius opera nō solū laudibus, verumetiā hymnis maiora esse fateris. Ergo **E N E R G I A I L A P R I M A**, nempe Deus benedi-

Etus in principio condidit omnia,
indidit vires ,sive facultates,& impo-
suit LEGES CAELO & TERRAE,
At verò quo pacto condidit? quo pa-
cto indidit vires & facultates? An
semper præsto adfuerunt causæ na-
turales & coniunctæ? Apage ista de-
liria. Nunquam enim liceret ad illū
DOMINVM VNVM , hoc est ad
DEVM peruenire. Semper occurre-
ret πολυνοιεγύν , hoc est dominatus
multarum causarum. Atqui, εκ αγα-
θὸν πολυνοιεγύν , εἰς νοίεγυνος ἐστ. id est:
dominatus plurium non est bonus.
Vnus esto dominus. Sed missum fa-
ciamus Galenum: (Neque enim: Ga-
lenus fuit Metaphysicus sive Theo-
logus:) tandemque statuamus cum
Mose, Iobo, Prophetis, Apostolis,
hoc est cum veris Theologis: Dei
opt. max. utramque ENERGIAM,
tam INTIMAM, quam EXTIMAM
esse infinitam: Ac INTIMAM quidē
esse infinitam quoad essentiā (Nam
INTIMA ENERGIA DEI nihil a-
liud est quam Deus ipse, cuius essen-
tia infi-

tia infinita est:) EXTIMAM autē Dei
ENERGIAM esse immensam & infi-
nitā, quod ad Vim & Potentiā atti-
net, quā Paulus ad Ephes. ἐνέργειαν τῆς
κράτερος τῆς ἵχους αὐτῆς appellat. Sic ex
nihilo potest creare. Sic vocat ea quę
nō sunt, vt ea quę sunt aboleat. Sic a-
peruit os asinę Bileā. Sic Deus pīscem
magnum preparauerat, qui absorbe-
ret Ionam. Sic eidem pīisci Dominus
mandauit, & euomuit Ionā in aridā.
Sic excitat è mortuis, è puluere ,& ex
cineribus. Sic Christus edidit miracu-
la. Sic per fidem, illi qui credunt in
Deum, possunt transferre montes, vt
in Euāgelio legimus. Denique, quē-
admodum Numerus non potest esse,
quin sint PAR, IMPAR: ita etiā Deus
non potest esse, quin sit VTRAQUE
ENERGIA talis, qualem supra descri-
psimus. Ex iis, quæ adhuc diximus,
nullo negotio intelligimus Theo-
logum reddere certissimas rationes
principiorum, causarum, & Anticipa-
tarum Notionum omnium. Sic Iobis &
amici Iobi: Sic Solomō Theo-

logicè differunt non solùm de rebus Naturalibus, verum etiam de Politicis. Nam prudentia ciuilis etiam SAPIENTIAE, hoc est, THEOLOGIAE ancillatur. Deus enim, siue, coniunctio & communio cum Deo est summum & extrellum hominis bonum, ut aliis in locis demonstratum est. Sic Aristoteles lib. 6. De Moribus, cap. 13. At verò, inquit, neque prudentia in sapientiam dominatur, neque animi particulæ melioris habitus est: quemadmodū neque medicina bona valetudinis principatum habet. Non enim ea vtitur, sed vt existat & adsit, operam dat. Illius igitur causa præcipit atque imperat, non illi. Præterea sub PRUDENTIAE imperio SAPIENTIAM esse dicere, simile est, vt si quis dicat Scientiā ciuilem Diis in mortalibus præesse, quia omnia insti tuat ac præcipiat, quæ sunt in ciuitate.

Et quoniam causæ omnes & principia omnia singularium scientiarum & doctrinarum, THEOLOGIAE, siue, SAPIENTIAE subiiciuntur: Cùmque

SPIRITVS, siue VENTVS dicatur esse causa proxima Terræmotus: perspicuum est causam hanc THEOLOGIAE esse subiiciendam. Subiiciemus Theologiaz, si demostremus Deum, quum vtitur causa naturali ad Terræmotum efficiendum, solere VENTO vti. Esto igitur Physicum axioma huiusmodi. MOLES grauissima non nisi à corpore naturali, mouendi vim maximam habet, mouetur. siue CORPVS ILLVD, quod est οντικότατον ἀνάτολην, quod omnium maximā mouendi vim habet, potest mouere & cōquassare molem grauissimam, seu corpus grauissimum. VENTVS est corpus οντικότατον ἀνάτολην. & TERRA est corpus omnium grauissimū. Quare ex causis naturalibus, VENTVS est causa accommodatissima ad conquassandam terram. Proinde CAVSADÍOTI Terræmotus est VENTVS vehementior in terræcavernis reciprocans, & querens exitū. Quod si effetti alicuius in Natura non esset causa proxima Naturalis: squalidem

Effectum illud existeret absque illa causa proxima naturali & coniuncta: profecto DEI VERBVM, siue MANDATVM, siue IVSSVM esset causa dicitur in Theologia. Neque hoc mirum cuiquam videri debet. Nam DEI VERBVM est causa causarum & principiorum omnium. VENTVM esse corpus vivuntuatorum, fatentur omnes. Sic Virgilius ventos esse vivuntatores significat his verbis.

Illi indignantes magno cum murmure montis Circu claustra fremit: celsa sedet Acolus arce Sceptra tenet: molitusq; animos et tenebat iras. Ni faciat maria ac terras, calumq; profundū Quippe ferant rapidisecū verrāq; per auras. Sic etiam Lucretius libro sexto de Rerum Natura Ventorum vim illam vivuntatores eleganter describit his versibus.

Ventus ubi atque animæ subito vis maxima quedam,

Aut extrinsecus aut ipsa tellure coorta In loca se eaua terras coniecit, ibique Speluncas inter magnas fremit ante tumultus, Versabundag; portatur post incita cum Vis Exagitata foras erumpitur, & simul altam Difindens terram magnum cōcunat biam.

In Sy-

In Syria Sidone quod accidit, & fuit Aegis In Peloponneso, quas exitus hic animai Disturbans urbes, & terramotus obortus. Multaq; præterea cecidernut mœnia magnis Motibus in terris, & multæ per mare pessum Subsedere suis pariter cum ciuibus urbes. Quod nisi prorupit, tamē impetus ipse animai Esfera vis venti per crebra foramina terre Dispertitur, ut horror, & incutit inde tremore.

Sic etiam sacræ literæ testantur ventos omnium corporum maximā habere vim mouendi, quum Angelos ventis similes, & ventos nunciis Dei similes esse aperte significant. Qui Angelos suos, inquit Propheta, facit spiritus, & ministros suos, ignis flamمام. Sic Christus etiam vim venti declarat his verbis: VENTVS QVO VVL SPIRAT, & sonum eius audi, sed nescis unde veniat, & quò vadat. Sic Deus adhibuit ventum orientalem ut efficeret mare siccum, & ut discinderentur aquæ, & extendit Moses manum suam super mare, & Dominus effecit, ut decurreret mare per Orientalē ventum vehementem tota illa nocte, & fecit mare ut esset sic-

Ad Heb.
cap. xv. 7.

Ioh. cap.
3. v. 8.

Exod. ca.
14.

30 DE TERRÆMOTV

cum, & discissæ sunt aquæ & ingressi sunt filii Israel in medium maris in siccō, & aquæ fuerunt illis murus à dextra eorum, & à sinistra eorum. Aristoteles affert signa aliquot, ex quibus perspicuum fit nobis, VENTVM esse causam proximam Terræmotus. In quibusdam locis, inquit Aristoteles, Terræmotus non ante defit, quām ventus, qui Terræmotus causa fuerat, eruptione perspicuè facta prodiisset procellæ instar, ut ad Heracleā Ponti factum est. Et antea in Hiera insula, quæ vna est ex Aeoli insulis. In hac enim terræ pars quædā intumuit, & in tumuli, siue collis speciem cum sono & fragore quodam excitata est: tandemque tumulo illo rupto ventus vehemens erupit, qui scintillas, cineremque secum rapuit, Liparamque urbem, quæ haud procul aberat, in cineres redigit. Sic etiā hoc anno quarto, ab initio Terræmotus, die, erupta est pars montis cuiusdā à pago Hyborna itinere trium horarum distantis, vnde ventus vehemens erupit,

ORATIO.

31

erupit, qui saxa, glebas, arbores secum rapuit, quibus, superante etiam colle interiecto, pagus tandem oppressus est, & obrutus. Ergo eruptio eiusmodi venti vehementis, est signum causæ Terræmotus. Deinde exauditur sonus, adeo ut interdum terra mugire videatur, qui quidem sonus nonnisi à vento in cauernis terræ recondito existere potest. Præterea paulò ante Terræmotum sol caliginosus esse solet, quia venti, qui purgant aërem, in cauernas terræ cōcesserunt. Sic paulò ante Terræmotum superioribus diebus factum visi sunt Parelii. Præterea ventum esse causam proximam Terræmotus, ex eo etiam intelligimus, quod ante Terræmotum nubecula quædam cōspiciatur tenuis & in longum porrecta: nempe quia venti absunt, qui dissipent nubeculam. Nā venti in cauernas terræ cōcesserunt. Sic ante Terræmotum huius anni, visa est quasi flamma tenuis in longū porrecta, quæ paulò supra terram su-

bito impulsa est à vento extremo in terræ partes interiores concedente: Præterea, quod Terræmotus nonnulli in lunæ defectibus fiant, signum est causæ. Nam in lunæ defectibus, venti in loca concava terra retrocedunt. Neque enim sursum attrahuntur exhalationes remisso calore propter ipsum lunæ defectum. Quinetiā constitutio aëris: TEMPORA ipsa, népeVER, & AVTVMNVS: LOCA ipsa in quibus Terræmotus fieri solent, satis declarant VENTVM esse causam Terræmotus. Nam maximi Terræmotus tranquillo cælo solent fieri: & qui interdiu fuit, meridie exoriuntur, quod ea pars diei sit omniū diei partium tranquillissima. Propterea autem tranquillum est cælum, quia venti concesserunt in terre partes interiores. Sic Terræmotus huius anni, meridie & tranquillo cælo primò factus est. Item VERE, & AVTVMNO Terræmotus maximè exoriri solent, eò quod his præsertim temporibus in ipsis terre cauernis ventorum ma-

torum magna vis existere soleat. Denique maximi Terræmotus fieri solent in iis locis, in quibus mare fluctuat, & in quibus sunt cauernæ & speluncæ, aut terra rara est, multosq; meatus habet. Sunt enim ista loca fæta furentibus Austris: ut loquitur poëta. Ob id etiam Aegyptum nūquam tremuisse aiunt, quod Aegyptus ex limo tota concreuerit. Sed mouetur & Aegyptus, & Delos, quam Virgilius stare iussit,

*Immotamque coli dedit & contemne-
re ventos.*

Hanc philosophi quoque, inquit Seneca, credula natio dixerunt non moueri, autore Pindaro. Thucidides ait antea quidem immotam fuisse, sed circa Peloponnesiacum bellum tremuisse. Callisthenes & alio tempore ait hoc accidisse. Hæc Seneca libro sexto Naturaliū Quæstionum cap. 26. Nos, qui Deum, etiam absque causis naturalibus proximis & coniunctis quicquid voluerit in cælo & in terra perficere posse scimus, quin Aegyptum, & loca alia,

Seneca
Natural.
Quæst.
lib. 6. ca.
26.

34 DE TERRÆMOTV

quæcunque immota adhuc visa sunt,
conquassare possit, non dubitamus.
Cæterum cum duo sint genera Ter-
ræmotuum: ac vnum quidem genus
sit quasi tremor: alterum autem sit
quasi pulsus: animaduertendum est
Terræmotum illum, qui est quasi tre-
mor, sæpius fieri: eum autem, qui est
quasi pulsus, perraro exoriri, quum
fursum & deorsum terra agitatur. A-
nimaduertendum est quoque ventos
non esse particulares sic, vt vnam ali-
quam urbem, aut partem regionis a-
licuius permeent: nisi quum ventus
& flatus, siue ~~avon~~ insolito more exi-
stet à Deo opt. max. cuiusmodi fuit il-
le quasi flatus, qui die Pentecostes
factus est: Terræmotum autem parti-
cularem esse posse sic, vt vna dunta-
xat particula regionis alicuius concu-
tiatur, cuiusmodi Terræmotus Basi-
leæ Rauracorum bis nostra memoria
factus est. Præterea obseruandum est,
vnâ cum Terræmotu interdum ~~κατα-~~
~~κλυσίον~~, siue inundationem accidere:
atque utriusque, nempe tum Terræ-
motus,

A&t. cap.

2.v.2.

V I O R A T I O .

35

motus, tum etiam inundationis ven-
tos contrarios causam afferre. Nam
cùm ventus is, qui terram mouet &
concutit, alterum ventum cōtrariū,
quo mare agitatur, repellere non pos-
sit, necesse est magnam vim & quasi
montem quandam aquarum accu-
mulari, ac superante vento illo, quo
mare pellitur, inundationem fieri.
Adhuc animaduertendum est, quum
ingens Terræmotus factus est, qui ad
plures regiones longè latèque perti-
nuerit, ventos illos interiores, qui
causam Terræmotus afferunt, non
semel quatere, sed primum ad dies
vsque quadraginta, deinde ad vnum
annum, & ad biennium etiam iisdé
in locis Terræmotum portendere &
denunciare. Quemadmodum enim
pulsus præter naturam in corporibus
nostris non statim, sed sensim vnâ cū
morbo desinunt: ita etiam venti ne-
cessariò quatunt terram, quoad ho-
rum reliquiæ consumtæ sunt: quam-
quam in progressu leuius id faciunt,
cō vsque videlicet, dum id quod cau-

C ij

36 DE TERRAEMOTV

sam motus attulit, minus est, quam
vt mouere possit. Atque hæc quidē
de causa Terræmotus naturali & pro-
xima. Sed causa hæc, vt dixi, Deo sem-
per subiicienda est, vt ei tanquam cō-
ditori, dicatori, & moderatori om-
nium ancilletur: non secus atq; par-
ticulares scientiæ doctrinæque om-
nes Theologiæ ancillātur. Sic Theo-
logi: poëtæ sancti, & Prophetæ Deo
omnia illa opera admiranda tribuūt:
vt in Psalmo cxiiii. Quum egredie-
retur Israel ex Aegypto, & domus Ia-
cob à populo barbaro. Iuda factus est
eius sanctuarium, & Israel ipsius im-
perium: quod quum mare vidisset,
refugit, & Iordanis retrorsum repul-
sus est. Montes autem subsilierunt ut
arietes, & colles ut agni ouium.

POSTREMÒ de Fine, ad quem om-
nia, quæcunque in cælo & terra sūt,
referenda sunt: dicendum est. Dixi-
mus PRINCIPEM CAVSAM EFFI-
CIENTEM, itémq; SVMMVM FI-
NEM omnium rerū esse Deum opt.
max. Itaque Energiaæ Dei extimæ o-
mnes,

VI ORATIO. 37

22.7
mnes, itémque omnia signa, quæ sūt
tum in cælo, tum in terra referenda
sunt ad Deum, tanquam ad finem
summum. Oportet omnia subiici Fi-
lio, vt dictum est supra: Postquam ve-
rò subiecta fuerint ei omnia, tunc &
Ad Cor.
1. cap. 15.
v.28.
ipse filius subiicitur ei, qui subiecit
ipsi omnia, vt Deus sit omnia in om-
nibus. Quandoquidem igitur CHRI-
STVM oportet regnare, Vsquequo
omnes inimicos subiecerit pedibus
suis, sequitur signa illa quæ tum in cæ-
lo tum in terra sūnt, piis liberatio-
nem, impiis verò & hostibus Dei exi-
tium portendere. Sic enim nos do-
cuit Christus: Quum verò audieritis
Luc. cap.
21. v. 9.
10. II.
bella & seditiones, inquit, ne terre-
mini: oportet enim ista primùm fieri,
sed non statim erit finis. Insurget
gens in gentem, & regnum in re-
gnum: & magni Terræmotus erunt,
& fames ac pestilentia, & terricula-
menta, & signa in cælo magna erunt.
& paulò post eodem capite. Tunc e-
v. 25.
runt signa in Sole & Luna & syderi-
bus: & in terra angustia gētium in cō-

38 DE TERRÆMOTV

v. 22.

filii inopia, resonante mari & salo.
 Item: Quum autē hęc fieri incipiēt, erigite & attollite capita vestra, Q V O-
 NIAM APPROPINQVAT REDE-
 MPTIO VESTRA. Ergone, inquies,
 omnes illi, qui Terræmotibus oppri-
 muntur & obruuntur, æterno exitio
 sunt destinati? Absit à nobis istiusmo-
 di temerariū iudicium. Nam & me-
 moria fratrum nostrorū Hybornen-
 sium commendatur de pietate, hu-
 manitate, & hospitalitate. Quanquā
 Deus non sine causa eos voluit Ter-
 ræmotu obrui & opprimi. Proinde
 temerarii isti iudices, qui iudicando
 de omnibus, quasi Dei iudicis per-
 sonam sibi imponunt, meminerint eo-
 rum quæ respondit Christus illis, qui
 annuntiabant de Galilæis, quorū san-
 guinem Pilatus miscuerat cum ipsō-
 rum sacrificiis. Putatis hos Galilæos,
 inquit Christus, præ omnibus Galilæi-
 speccatores fuisse, quoniā talia pas-
 si sunt? Nō, dico vobis: Imò, nisi respi-
 scatis, omnes itidem peribitis. Aut il-
 los decem & octo, supra quos cecidit

turris

ORATIO.

39

turris in Siloam, & trucidauit eos, pu-
 tatis debitores fuisse præ omnib⁹ ho-
 minibus, qui habitāt in Hierusalem?
 Non, dico vobis: imò nisi respi scatis,
 omnes itidem peribitis. Quamobrē,
 quoniam diffiteri nō possumus, quin
 innumeris modis Deum ad irā pro-
 uocemus, exemplis iudiciorum Dei
 commonefacti conuertamur ad Do-
 minum, nōsque ipsi dijudicemus: ab-
 negata impietate, & mundanis cupi-
 diratibus temperanter & iustè & piè
 viuamus in præsenti sæculo: expectā-
 tes beatam, illam spem, & illustrem
 aduentum magni illius Dei, ac Ser-
 uatoris nostri Iesu Christi. Sic enim
 appropinquante redemtione nostra,
 capita nostra erigere, atque attollere
 licebit.

DIXI.

GRATIAS TIBI PATER CÆ-
 LESTIS PER IESVM CHRI-
 STVM FILIVM TVVM,
 DOMINVM NO-
 STRVM.

8

10

